

**POLJOPRIVREDNO-PREHRAMBENOG FAKULTETA U SARAJEVU**, ul. Zmaja od Bosne broj 8. Sarajevo, koga zastupa dekan prof. dr Muhamed Brka, (u daljem tekstu: Naručilac),

Identifikacioni broj: **4200091870006**

PDV broj: **200091870006**

Tel/fax: **033/225-727**

i

„**V.I.P. TRAVELS**“ d.o.o. Sarajevo, ul. Zelenih Beretki bb, koga zastupa direktor Enisa Resić (u daljem tekstu Dobavljač)

Transakcijski račun: **3389002206992219**

Identifikacioni broj: **4200322600007**

Tel/fax: **033/271-800; 271-801**

## **OKVIRNI SPORAZUM**

**o pružanju usluga rezervacije i obezbjeđivanja avionskih karata za potrebe Poljoprivredno-prehrambenog fakulteta Sarajevo**

### **I UVODNE ODREDBE**

#### **Član 1.**

Strane u okvirnom sporazumu saglasno konstatiraju:

- da je Naručilac u skladu sa Zakonom o javnim nabavkama („Službeni glasnik BiH” broj 39/14, u daljnjem tekstu: Zakon) proveo konkurentski postupak javne nabavke usluga rezervacije i obezbjeđivanja avionskih karata za potrebe Poljoprivredno-prehrambenog fakulteta Sarajevo, sa ciljem zaključivanja okvirnog sporazuma sa jednim ponuđačem na period od jedne godine, tj. od datuma obostranog potpisivanja pa do 31.08.2020. godine,
- da je Naručilac je svojom Odlukom broj 01-1-1185-3/19 od 10.06.2019. godine ponudu odabranog Ponuđača broj 171/19 od 28.05.2019. godine ocijenio najboljom za sklapanje ovog Okvirnog sporazuma,
- obaveza nastaje izdavanjem pojedinačne narudžbenice, na osnovu ovog okvirnog sporazuma;
- mjesto pružanja usluga prema potrebama Poljoprivredno-prehrambenog fakulteta, Zmaja od Bosne 8, Sarajevo, kao i u skladu sa uvjetima iz tehničke specifikacije i pojedinačnim zahtjevima Naručioaca po pojedinačno izdatim narudžbenicama.

### **II PREDMET OKVIRNOG SPORAZUMA**

#### **Član 2.**

Predmet okvirnog sporazuma je utvrđivanje uvjeta za zaključenje ugovora na osnovu ovog okvirnog sporazuma, za usluge rezervacije i obezbjeđivanja avionskih karata za potrebe Poljoprivredno-prehrambenog fakulteta, između Naručioaca i Dobavljača, po najpovoljnijim tržišnim uvjetima, a uz poštivanje svih normi kvantiteta, kvaliteta, te u skladu sa uvjetima iz tenderske dokumentacije, ponudom Dobavljača, tehničkom specifikacijom iz tenderske dokumentacije, odredbama ovog okvirnog sporazuma i stvarnim potrebama Naručioaca.

### **III VAŽENJE OKVIRNOG SPORAZUMA**

#### **Član 3.**

Ovaj okvirni sporazum se zaključuje na period od 1 (jedne) godine, te stupa na snagu danom potpisivanja svih učesnika okvirnog sporazuma i važi do 31. 08. 2020. godine.



#### **IV VRIJEDNOST OKVIRNOG SPORAZUMA, CIJENE U OKVIRNOM SPORAZUMU I NAČIN PROMJENE CIJENA**

##### **Član 4.**

Procijenjena vrijednost ovog okvirnog sporazuma (bez PDV-a) iznosi do 45.000,00 KM (slovima: četrdesetpethiljada KM).

Ukupna plaćanja bez PDV-a na osnovu svih narudžbenica izdatih na osnovu okvirnog sporazuma ne smiju preći procijenjenu vrijednost predmeta nabavke u toku trajanja ovog okvirnog sporazuma.

Agencijska naknada za uslugu rezervacije i obezbjeđivanja avionske karte (kolona E Obrasca za cijenu ponude) je fiksna tokom cijelog perioda važenja okvirnog sporazuma.

U cijenu usluge su uračunati svi pripadajući troškovi neophodni za realiziranje ugovora o javnoj nabavci.

Neto cijena avionske karte ne može biti veća od karte utvrđene važećim Cjenovnikom avioprijevoznika. Aerodromske takse i drugi uobičajeni troškovi, ukoliko postoje, nisu uključeni u neto cijenu avionske karte i na fakturi se posebno iskazuju, kao i agencijska naknada za uslugu rezervacije i obezbjeđivanja avionske karte.

#### **V NAČIN I UVJETI IZDAVANJA POJEDINAČNIH NARUDŽBENICA**

##### **Član 5.**

Nakon zaključenja okvirnog sporazuma, kada nastane potreba Naručioca za predmetom nabavke, Naručilac će zahtjev za avionskim kartama i destinacijama uputiti Dobavljaču u pisanoj formi (putem e-maila ili faxesa).

Dobavljač se obavezuje:

- da po prijemu zahtjeva za svaku traženu destinaciju ponudi najekonomičniju cijenu i najpraktičniji itinerer avioprijevoza, odnosno da ponudi najmanje 3 (tri) opcije itinerera za traženu destinaciju od najmanje 3 (tri) različita avioprijevoznika, pod uvjetom da iste postoje za tu destinaciju,
- da tražene informacije dostavi u pisanoj formi (putem e-maila ili faxesa) u roku 2 (dva) sata od prijema zahtjeva,
- da ponudi najnižu tarifu za ekonomsku klasu sa minimalnim mogućim brojem presjedanja, kao i vremenom presjedanja (minimalni razmak između letova ne može biti kraći od 50 (pedeset) minuta, a maksimalni razmak između letova ne može biti duži od 5 (pet) sati),
- da Naručiocu ukaže na sve moguće posljedice u slučaju otkazivanja, propuštanja, kao i izmjene leta,
- da u slučaju otkazivanja zakazanog leta uslijed vremenskih nepogoda ili drugih uzroka uslijed djelovanja više sile, a ukoliko aviokompanija nije u mogućnosti da blagovremeno osigura drugi let, preuzme obavezu zbrinjavanja putnika i obezbjeđivanja leta od strane druge aviokompanije, prema sličnim uvjetima prijevoza što je prije moguće. U tom slučaju ostvareno vrijeme dolaska ne smije da premašuje prvotno vrijeme dolaska leta za 2 (dva) odnosno 3 (tri) sata zavisno od dužine leta. Dobavljač je dužan i u slučaju vezanih zamjenskih letova osigurati da minimalni razmak između letova ne bude kraći od 50 (pedeset) minuta, odnosno da maksimalni razmak između letova ne bude duži od 5 (pet) sati,



- u slučaju otkazivanja leta od strane aviokompanije, u roku od 7 (sedam) dana vrši se povrat cjelokupnog iznosa vrijednosti karte po cijeni koja je kupljena, odnosno za dio ili dijelove putovanja koji nisu realizirani.

#### **Član 6.**

Naručilac vrši izbor za njega najprihvatljivije opcije itinerera, te potvrđuje rezervaciju (odabir jednog od ponuđenih itinerera) u pisanom obliku (putem e-maila ili faxesa).

U slučaju da Naručilac pismeno, e-mailom ili na drugi način, otkaže avionsku kartu u roku kraćem od 24 (dvadeset četiri) sata prije vremena polijetanja, Naručilac će platiti iznos shodno uvjetima izdate karte i pravilima aviokompanije koja je izdala kartu.

Naručilac je dužan pri svakom letu naglasiti da želi refundacionu kartu.

### **VI UVJETI I ROK PLAĆANJA**

#### **Član 7.**

Dobavljač će za izdate avionske karte ispostavljati fakture u KM (konvertibilnim markama) u roku od 7 (sedam) dana od dana realizacije narudžbenice. Faktura obavezno mora sadržavati:

1. neto cijenu avionske karte,
2. agencijsku naknadu za uslugu rezervacije i obezbjeđivanja avionske karte,
3. aerodromske takse,
4. druge uobičajene troškove ukoliko postoje.

Uz fakturu Dobavljač će dostaviti sve opcije itinerera za traženu avionsku kartu, potvrdu rezervacije i kopiju narudžbenice.

Naručilac će plaćanje izvršiti na račun dobavljača u roku od 15 (petnaest) dana od dana prijema ispravne fakture sa pratećom dokumentacijom.

Naručilac zadržava pravo da dinamiku uplate sredstava usklađuje sa mogućnostima izvršenja budžeta.

### **VII UGOVORNA KAZNA**

#### **Član 8.**

Ukoliko Dobavljač kome je izdata pojedinačna narudžbenica na osnovu ovog okvirnog sporazuma ne izvrši uslugu u ugovorenom roku, obavezan je da za svaki sat zakašnjenja plati Naručiocu iznos od 1% vrijednosti konkretne narudžbenice, s tim da ukupan iznos ugovorne kazne po toj narudžbenici ne može preći 10% vrijednosti narudžbenice.

Ukoliko Dobavljač kome je izdata narudžbenica na osnovu ovog okvirnog sporazuma ne izvrši uslugu ili je izvrši djelimično, obavezan je da plati Naručiocu ugovornu kaznu u iznosu od 10% vrijednosti konkretne narudžbenice.

### **VIII VIŠA SILA**

#### **Član 9.**

U slučaju da jedna ugovorna strana ne može djelimično ili u potpunosti ispuniti svoje obaveze zbog više sile, dužna je o tome odmah pismeno obavijestiti drugu stranu. Strana koja snosi posljedice više sile, dužna je na zahtjev druge strane dokazati da je nemogućnost ispunjenja nastupila bez njihove krivice. Pod višom silom podrazumijeva se događaj koji se nije mogao

predvidjeti u trenutku sklapanja okvirnog sporazuma i na koji ugovorne strane objektivno ne mogu i nisu mogle utjecati niti su ih mogle predvidjeti ili spriječiti. Ako viša sila traje duže od 30 (trideset) dana, uslijed čega je otežano ili onemogućeno ispunjavanje ugovornih obaveza, svaka ugovorna strana može raskinuti okvirni sporazum.

## IX POSEBNE I ZAVRŠNE ODREDBE

### Član 10.

Ako se odabrani ponuđač ne bude pridržavao uvjeta iz tehničke specifikacije, ugovorni organ zadržava pravo da automatski raskine okvirni sporazum i prije njegove same realizacije, uz prethodnu pismenu najavu. Otkazni rok po ovom okvirnom sporazumu je 15 (petnaest) dana, a po isteku ovog roka, okvirni sporazum se smatra raskinutim.

### Član 11.

Za sve što nije regulirano ovim okvirnim sporazumom primjenjivat će se odredbe Zakona o obligacionim odnosima, kao i drugih propisa koji reguliraju ovu materiju.

### Član 12.

Ugovorne strane su saglasne da sva sporna pitanja u vezi sa ovim okvirnim sporazumom rješavaju sporazumno. Za eventualne sporove koji ne budu riješeni mirnim putem nadležan je Sud u Sarajevu.

### Član 13.

Ovaj okvirni sporazum je sačinjen u 5 (pet) istovjetnih primjerka, 3 (tri) za Naručioca i 2 (dva) za Dobavljača.

### Član 14.

Ugovorne strane su saglasne da su ovaj okvirni sporazum pročitale i razumjele, te ga u znak saglasnosti potpisuju.

ZA DOBAVLJAČA

Enisa Resić, direktor

Broj:

Datum: 02.08.2019



ZA NARUČIOCA:

Prof. dr Muhamed Brka, dekan

Broj: 01-1-1965/19

Datum: 27.08.2019. godine

